

PERORSAASUNNGORNIAT SULIFFIMMI MISILIINERAT PILLUGU QUPPERSAGAQ



Perorsaasutut sammivilimmik bacheloritut ilinniarneq
Perorsaanermik Ilinniarfik / Socialpædagogisk Seminarium, PI/SPS, Ilulissat



Kingullermik iluarsarneqarpoq: november 2022

Imarisai

Imarisai	1
Aallaqqaasiut	3
Kapitel 1: Suliffimmik misiliinermi sinaakkutit.....	4
1.1 Suliffimmik misiliinermi inatsisitigut tunngavigisat	4
1.2 Nalinginnaasumik suliffimmi misiliinermi inatsisitigut tunngavigisat	4
1.3 Immikkut ilinniagaqarluni suliffimmi misiliinermi inatsisitigut tunngavigisat...	4
1.4 Suliffimmi misiliiffiusussanik akuersisarneq.....	4
Kapitel 2: Suliffimmik misiliinermi siunertaq	5
2.1 Ilinniarnermi siunertaq.....	5
2.2 Suliffimmi misiliinerni ataatsimoortumik piginnaasassatut ilikkagassatullu anguniakkat.....	5
Kapitel 3: Suliffimmi nalinginnaasumik misiliinermut aamma portfolio-opgavemut piumasaqaatit.....	6
3.1 Suliffimmi misiliinermi siullermi piginnaasaqarfigiligassat ilikkagassatullu anguniagassat	7
3.2 Suliffimmi misiliinermi siullermi ilisimaligassat aamma suliarisinnaaligassat qitiusut	7
Kapitel 4: Immikkut ilinniagaqarluni suliffimmi misiliinermut aamma portfolio- opgavemut piumasaqaatit.....	8
4.1 Suliffimmi misiliinerup aappaani piginnaasaqarfigiligassat ilikkagassatullu anguniagassat	8
4.2 Suliffimmi misiliinerup aappaani ilisimaligassat aamma suliarisinnaaligassat qitiusut	9
Kapitel 5: Suliffimmi misiliinerup ingerlanerani portfoliomik suliaqarnermut piumasaqaatit.....	10
5.1 Suliaqarnermi portfolio.....	10
5.2 Portfolio saqqummiussassaq	12
5.3 Portfoliomik saqqummiussassamik aamma suliffimmi misiliinermik naliliineq..	13
Kapitel 6: Suliffimmi misiliinerup siornatigut kingornatigullu ilinniartitsineq	14
6.1 Suliffimmi misiliinissamut piareersarneq	14
6.2 Suliffimmi misiliinermik eqikkaaneq	15
Kapitel 7: Suliffimmi misiliinermi inuit qitiusut pingasut, taakkulu suliassaat.....	15
7.1 Ilinniartoq suliffimmi misiliisoq.....	15

7.2	Suliffimmi misiliinermi aqutissiuisoq	16
7.2.1	Suliffimmi misiliinermi aqutissiuisup suliffimmi misiliinermi isumagissavai 16	
7.2.2	Suliffimmi misiliinermi aqutissiuisup ilanngussanut akisussaaffia.....	17
7.2.3	Suliffimmi misiliinermi aqutissiuisup peqannginnerani imaluunniit napparsimanerani.....	17
7.3	Suliffimmi misiliinermi ilinniartitsisoq.....	17
7.3.1	Suliffimmi misiliinermi ilinniartitsisup suliffimmi misiliinerup nalaani isumagissavai.....	17
7.3.2	Suliffimmi misiliinerup kingorna suliffimmi misiliinermi ilinniartitsisup isumagissasai.....	18
Kapitel 8: Aaqquissuussaamik naapittarnerit (Konferencetiimit)		18
Kapitel 9: Nalilersuisarnerit.....		19
9.1	Piffissap affaata nalaani naliliineq	19
9.2	Suliffimmut misiliiffiusumut pulaarneq.....	20
9.3	Piffissap naalernerani naliliineq	21
9.4	Suliffimmi misiliinerup ingerlanerani naliliineq	21
9.5	Suliffimmi misiliineq akuerineqarsinnaangippat	21
Kapitel 10: Suliffimmi misiliisumut atugassarititaasut		22
10.1	Suliffimmi misiliisup piffissat suliffigisartagaasa aalajangersarneqarnerat	22
10.2	Piffissami suliffimmik misiliiffiusumi peqanngittarneq.....	24
10.3	Suliffimmi misiliineq unitsinneqarpat	24
10.4	Ilulissat avataani suliffimmi misiliineq	24

Aallaqqaasiut

Suliffimmi misiliineq pillugu quppersakkami matumani aallaavigneqarpoq PI/SPS-imi perorsaasutut sammivilimmik bacheloritut ilinniakkami Ilinniarnep aqqissugaanera 2020-meersoq.

Perorsaanermik Ilinniarnep/Socialpædagogisk Seminarium (PI/SPS') suliffimmi misiliineq pillugu quppersagaa perorsaasutut sammivilimmik bacheloritut ilinniarnep suliffimmi misiliinernut marluusunut tunngatillugu, nalinginnaasumik suliffimmi misiliinermi immikkullu ilinniagaqarluni suliffimmi misiliinermi atugassarititaasunut piimasaqaatinullu ilitersuutaavoq. Nalinginnaasumik suliffimmi misiliinermi sullinniakkat tassaapput ulluunerani paaqqinnittarfiit aamma sunngiffimmi ornittakkat. Immikkut ilinniagaqarluni suliffimmi misiliinermi sullinniakkat tassaapput meeqqat, inuusuttut inersimasullu immikkut pisariaqartitalit.

Suliffimmi misiliineq pillugu quppersagaaq suliffimmi misiliiffinni aqutissiuusunut, ilinniartumut suliffimmi misiliisumut kiisalu ilinniarnep suliffimmi misiliinermi ilinniartitsisunut saaffiginnittuuvoq.

Suliffimmi misiliineq pillugu quppersagaaq aamma PI/SPS-ip nittartagaani nassaarineqarsinnaavoq, uani: www.pi.sps.gl

Ilinniartoq suliffimmi misiliisoq PI/SPS-imi ilinniartitsisumut attaveqarpoq, suliffimmi misiliinernep nalaani suliffimmi misiliinermi ilinniartitsisuumut. Suliffimmi misiliinermi ataqatigiissarisooq piareersimassaaq, ilinniartumit kiisalu suliffimmi misiliinermi aqutissiuusumik attavigineqarsinnaalluni. Erngertumik ikiorneqarnissamut pisariaqartitsinermi PI/SPS-imi ilinniartunut siunnersortit attavigineqarsinnaapput normumut pingaarnermut oqa. +299 38 35 50.

Suliffimmi misiliineq pillugu quppersagaaq pitsanngorsartuarumallugu matuma saqqummertup oqaaseqarfiginissanut tikilluaqqusivugut. Suliffimmi misiliinermi ataqatigiissarisumut allallutit imaluunniit sianerlutit:

Cecilie Nikolajsen, Suliffimmi misiliinermi ataqatigiissarisooq, praktik@pi.sps.gl.
Nuutsitsisarfik: +299 38 35 50 / Oqa. toqqaannartoq: +299 38 35 60

Kapitel 1: Suliffimmik misiliinermi sinaakkutit

1.1 Suliffimmik misiliinermi inatsisitigut tunngavigisat

Suliffimmik misiliinermi inatsisitigut tunngavigisaq tassaavoq Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq.

1.2 Nalinginnaasumik suliffimmi misiliinermi inatsisitigut tunngavigisat

Ulluunerani paaqqinnittarfinnut atuupput:

Meeqqanut suli atualinngitsunut perorsaanikkut inerikkiartuutasunik ulluunerani neqeroorutit pillugit Inatsisartut inatsisaat nr. 16, 3. december 2012-imeersoq aamma Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq.

Sunngiffimmi ornittakkanut atuupput:

Kulturikkut ingerlatsineq sunngiffimmilu sammisasaqartitsineq pillugit Inatsisartut inatsisaat nr. 5, 6. juni 2016-imeersumi Kapitali 5 aamma kapitali 6.

Meeqqat atuarfianni perorsaasunut saniatigut atuuppoq Atuarfik pillugu Inatsisartut inatsisaat nr. 15, 3. december 2012-imeersoq.

1.3 Immikkut ilinniagaqarluni suliffimmi misiliinermi inatsisitigut tunngavigisat

Sullinniakkat meeqqat, inuusuttut inersimasullu immikkut pisariaqartitsisut:

Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq aamma Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq kiisalu Inersimasunut paaqqinniffiit immikkut ittut pillugit Namminersornerullutik Oqartussat nalunaarutaat nr. 10, 1. april 1995-imeersoq.

Meeqqat atuarfiini immikkut atuartitsisarnermut allatullu perorsaanikkut ikiuisarnermut inatsisitigut tunngavigisat:

Atuarfik pillugu Inatsisartut inatsisaanni nr. 15, 3. december 2012-imeersumi, pingaartumik §15, 25 aamma 35 imma. 4 PI/SPS-imi ilinniartut suliffimmi misiliinerannut tunngaviupput.

1.4 Suliffimmi misiliiffiusussanik akuersisarneq

Suliffimmi misiliiffiusussatut akuerisaaniaraanni, suliffeqarfik perorsaasumik, suliffimmi misiliinermi aqutissiuissusamik peqassaaq. Aallaavittut perorsaasoq suliffimmi misiliinermi aqutissiuissutut pikkorissarsimassaaq. Suliffeqarfimmi suliffimmi misiliiffissatut akuerineqarnissaq kissaatigineqarpat, PI/SPS-imi suliffimmi misiliinermi ataqatigiissarisumut saaffiginnittoqassaaq. Suliffimmi misiliiffissatut

akuerineqarniaraanni qinnuteqaammik immersuisoqassaaq, suliffimmi misiliinermi ataqatigiissaarisumut nassiunneqartussamik.

Kapitel 2: Suliffimmik misiliinermi siunertaq

Suliffimmik misiliinermi siunertaavoq, ilinniartup suliffimmi misiliisup nammineq kiisalu perorsaanermik suliaqartut suleqatigalugit perorsaanermik suliani assigiinngitsuni peqataasassasoq, kiisalu perorsaanermik suliaqarneq pillugu ilisimasaqalissasoq. Piffissami suliffimmik misiliiffiusumi ilinniartup makku piginnaasaqalerfigissavai

- sulisutut meeqqanik, inuusuttunik inersimasunillu atuisunik atassuteqarsinnaalissaaq,
- suleqatiminik suleqateqarsinnaalissalluni kiisalu
- atuisunik angajoqqaatut oqartussaasunik pilersuisunillu siunnersuisinnaalissalluni.

Suliffimmi misiliinerit ingerlanerini aamma ilinniartup suliffimmi misiliisup perorsaanermi suliaqartut immikkoortissinnaalerlugit sungiusassavai, tassungalu atatillugu perorsaanermi sammisasaqartitsisinissamut suliaqarnissamullu pilersaarusionerq, ingerlatsineq nalilersuinerlu sungiusassallugit.

2.1 Ilinniarnermi siunertaq

Suliffimmi misiliinerit perorsaasutut ilinniakkami qitiupput, kiisalu perorsaanermik suliaqarnermut aamma ilinniarsimasutut sulinermit ilinniartup pingaarutillit. Suliffimmi misiliinerit ilinniartup sulinermit perorsaanermi iliuuseqarnissamut piginnaasaanik ineriartortitseqataassapput.

Suliffimmi misiliinerit aamma PI/SPS-imi ilinniartitsineq taamaasillutik ilinniartup ilinniarnerni ilikkariartorfiupput tapertaasut marluk assigiinngitsut imminnullu ataqatigiissut.

Ilinniartup suliffimmi misiliisup ilikkariartorneranut aallaaviupput peqataaneq, aaqquissuussamik misilittakkanik eqikkaaneq aamma sulineq pillugu eqqarsaatiginneqqissaarneq (refleksion). Suliffimmi misiliineq ilinniartup nammineq perorsaasutut sulinermit kiisalu sullinniakkat ilisarnaataannik misissuineranut sinaakkutaavoq suliaqarfiullunilu.

2.2 Suliffimmi misiliinerni ataatsimoortumik piginnaasassatut ilikkagassatullu anguniakkat

Ilinniarnernup ingerlanerani ilinniartoq marloriarluni suliffimmi misiliisaaq. Suliffimmi misiliineq siulleq 2. Semesterimi ingerlanneqartoq nalinginnaasumik suliffimmi misiliiffimmi pissaq. Suliffimmi misiliinerup tullia 5. semesterimi ingerlanneqartoq immikkut ilinniagaqarluni suliffimmi pissaq.

Ilinniarnermi suliffimmi misiliinerit marluusut siuariartortumik aaqqissuunneqassapput, perorsaasutut sulinermit pisariusumi sammivinnik arlaqarnerujartuinnartunik ilaartorneqassallutik, taamaalilluni ilinniartup eqqumaffiginiagassai perorsaasutullu sulinermit tunngatillugu sulisutut tamakkiisumik takunnissinnaaneq annertusiartorneqassalluni.

Suliffimmi misiliinerit marluusut aqqutigalugit ilinniartup suliffimmi misiliisupmakku angujartussavai:

- Suliffeqarfiup atuisuinut atassuteqarsinnaalernerq perorsaanermilu sulineq pillugit ilisimasaqaleriartorneq.
- Perorsaanermi sulinermit tunngatillugu misissueqqissaarsinnaassuseqarnerq eqqarsaatiginneqqissaarsinnaassuseqarnerlu (refleksion). Matumani nammineq sunniuteqarfigisinnaasat, piginnaaneqarfiit namminerlu killissanut paasisimasaqalerneq.
- Perorsaanermi sulineq suliniarfigisanullu assigiinngitsunut periarfissanik ineriartortitsineq pillugu nammineq sulinermik suleqatinillu suleqateqarnermik paasinninneq.
- Perorsaasut inuiaqatigiinni inissisimaffiannik ileqqorissaarnertigullu akunnattoorfigisartagaannik paasisimasaqalerneq.
- Nammineq sutigut tamatigut perorsaanermik sulinikkut misilittakkanik nalinginnaasumillu ilisimasalik uppersaasersuineq ingerlatitseqqiisinnaanerlu.

Kapitel 3: Suliffimmi nalinginnaasumik misiliinermit aamma portfolio-opgavemut piumasagaatit

Nalinginnaasumik suliassaqarfiup iluani suliffimmi misiliineq 2. semesterimi ingerlanneqartarpoq, tassani ilinniartuq sapaatit akunnerini 14-ini nalliuttut ilanngullugit suliffimmi misiliissalluni. Ingerlaneq tamarmi 18 ECTS-inik naleqarpoq, kingorna ilinniarnermi suliffimmi misiliinermit eqikkaaneq ilanngullugu.

Suliffimmi misiliineq Ilulissani ingerlanneqartarpoq imaluunniit Kalaallit Nunaata kitaani ingerlanneqarsinnaalluni. Suliffimmi misiliinermit meeqqat 0-17 ukiullit sullinniarneqassapput. Suliffimmi misiliiffiusinnaasut tassaapput ass. Meeraaqqeriviit, meeqqeriviit, sunngiffimmi ornittakkat aamma atuartut angerlarsimaffii.

Oqaatsit qitiusut nalinginnaasumik suliassaqarfiup iluani suliffimmi misiliinermit attuumassuteqartut:

- Malinnaaneq aamma misissueqqissaarneq.
- Sulineq pillugu eqqarsaatiginneqqissaarneq (refleksion), perorsaanermi teoriit attuumassuteqartut ilanngullugit.
- Perorsaanermi sammisassaqtitsinerit, susassareqatigiinneq attaveqarnerlu.

3.1 Suliffimmi misiliinermi siullermi piginnaasaqarfigiligassat ilikkagassatullu anguniagassat

Suliffimmi misiliinermi siullermi siunertaavoq, ilinniartuq perorsaanermik sulinermi atassuteqaatinik, inuit iliuuseqaqatigiittarnerinik aamma attaveqatigiilluni sulinermik ilisimaarinnilissasoq, matuma ataani meeqqat atugarissaarnermut, attaveqatigiinnermut attaveqalersarnermullu inuunermi piumasaqaataasa isumaqassusaanik.

Ilinniartup suliffimmi misiliinermigut makku ukkataralugit sulissaaq

- Meeqqanut ataasiakkaanut meeqqanullu attaveqarnermik pilersitsineq,
- meeqqat imminnut attaveqarnissaannut tapersersuineq,
- meeqqat attaveqateqartarnikkut piginnaasaasa ineriartornerannut tapersersuineq,
- professionelimik attaveqatigiittarnermik piginnaasaqarneq, kiisalu
- attaveqateqartarnermut aamma attaveqartarnermut nammineq piginnaasanik eqqarsaatiginneqqissaarneq (refleksion).

3.2 Suliffimmi misiliinermi siullermi ilisimaligassat aamma suliarisinnaaligassat qitiusut

Ilinniartup ilisimasaqarfii	Ilinniartup pisinnaasai
Meeqqap atugai aamma ineriartornissamut periarfissai, matuma ataani meeqqat immikkut pisariaqartitallit	Ass. Pinnguarnermut aamma ikinngutiginnermut il.il. atatillugu meeqqat inuusuttullu periarfissaanik qimerluuineq, eqqarsaatiginneqqissaarneq (refleksion) aamma misissueqqissaarneq. Tamanna tunngavigalugu perorsaanermi sammisanik assigiinngisitaartunik aaqqissuussisarneq.
Perorsaanermik suliaqarnermi timikkut, isumassarsiorsinnaanikkut, nipilersornikkut aamma kusanartuliortarnikkut ilinniarneq aamma ineriartorneq	Perorsaanermi sammisassanik anguniagaliineq, aaqqissuussineq aamma naliliineq kiisalu nalinginnaasumik meeqqat pinnguarnernanik, kusanartuliortarneranik, nipilersortarneranik kajumissaarineq tapersersuinerlu aamma peqqissutsikkut siuarsaasunik ineriartortitsineq.
Susassareqatigiinneq aamma sunniivigeqatigiinneq, kiisalu attaveqarnerit meeqqap pinnguarnernanut, ilikkariartorneranut, inuit akornaniittarneranut, atugarissaarneranut aamma ineriartorneranut sunniuteqaataat	Najuilluni attaveqatigiinnernik pilersitsineq aamma meeqqap ataasiakkaap peqatigiinnermi ineriartorneranik aamma peqataanissamut periarfissaanik tapersersuineq. Nammineq allallu suleriaasaannut apeqqusiisinnaaneq ileqqorissaartumillu isumaliutiginnittarneq (refleksion).
Oqaloqatigiinneq aamma professionelimik attaveqatigiinneq	Meeqqanik/inuusuttunik, ilaqutariinnik aamma suleqatinik assigiinngisitaartumik, eqqortumik aamma paasinartumik attaveqateqarneq.

Perorsaasoq pisorta qarfirmi sullissisutut	Perorsaanermi suleriaatsimut atatillugu inatsisitigut sinaakkutinik ingerlatitsineq aamma eqqarsaatiginninneq.
--	--

Kapitel 4: Immikkut ilinniagaqarluni suliffimmi misiliinermut aamma portfolio-opgavemut piumasagaatit

Immikkut ilinniagaqarluni suliffimmi misiliineq semesterit tallimaanni sapaatit akunnerini 18-ini sivisussuseqarluni ingerlanneqartarpoq, 30 ECTS-inillu naleqarluni. Suliffimmi misiliineq Kalaallit Nunaanni avataaniluunniit ingerlanneqassaaq suliniarfigineqartussallu tassaapput meeqqat, inuusuttut inersimasulluunniit immikkut pisariaqartitsisut. Paaqqinnittarfiit misiliiffiusut tassaasinnaapput meeqqanut inuusuttunullu ulloq unnuarlu angerlarsimaffiit, timikkut tarnikkullu piginnaasakitsunut paaqqinnittarfiit, meeqqat atuarfiini immikkut perorsaanermik neqerooruteqarfiusut, tarnikkut nappaatilinnut nakorsaanermik suliassa qarfiit imaluunniit perorsaanikkut suliniutit, suliffimmi misiliinermi anguniagaasunut attuumassuteqartut.

Immikkut ilinniagaqarluni suliffimmi misiliineq, suliffimmi misiliinerup siulliup nanginneqarneratut isigineqassaaq, naatsorsuutigineqarlunilu suliffimmi misiliinerup aappaani ilinniartoq suliffimmi misiliisoq maanna namminersorluni sulisullu allat naligalugit sulissasoq. Tamanna isumaqarpoq, ilinniartoq suliffimmi misiliisoq perorsaanermik sulinermik aallarnisaallunilu akisussaaqataassasoq.

Oqaatsit qitiusut immikkut ilinniagaqarluni suliffimmi misiliinermut attuumassuteqartut:

- Namminersorneq, eqqarsaatiginnineqqissaarneq (refleksion) aamma apeqqusiisarluni naliliineq.
- Perorsaanermi sammisasaqartitsineq suliaqartitsinerlu.
- Ineriartorneq allanngoriartornerlu.

4.1 Suliffimmi misiliinerup aappaani piginnaasaqarfigiligassat ilikkagassatullu anguniagassat

Suliffimmi misiliinerup aappaanik siunertaavoq, ilinniartup isumaginninnermi immikkullu ilinniagaqarfiup iluani sullinniakkanik ilisarimannilernissaa. Ilinniartup perorsaanermi suliaqarnermik ineriartortitsinikkut, suliaqartut attuumassuteqartut suleqatiginerisigut sullinniakkat ilikkarnissamut, ineriartornissamut aamma isumassorneqarnissamut pisariaqartitsinerat tapersersussavaa. Ilinniartup nammineq sulisutut inissisimaffini akisussaaffinilu ukkatarissavai.

Ilanngullugu ilinniartup suliffimmi misiliinini aqutigalugu sullinniakkat, sulisut,


kajumissutsimik sulisut aamma qanigisaasut akornanni suliassat aamma akisussaaffiit agguataarnerat pillugit ilisimasani aallernermik suliassaqaq. Ilanngullugu ilinniartup suliassanik aamma/imaluunniit ajornartorsiutinik aaqqiinarneq pillugu suliagarfiit akornanni suleqatigiinneq peqataaffigissavaa, kiisalu nammineq suliassat ilisimasani, suliassani aamma akisussaaffini nassuiarsinnaassallugit.

4.2 Suliffimmi misiliinerup aappaani ilisimaligassat aamma sularisinaaligassat qitiusut

Ilinniartup ilisimasaqarfagai	Ilinniartup sularisinaavai
Sulinermi suliassaqrifiit aamma suliassat. Paaqqinnittarfimmi, aaqqissuussaannermi aamma aqutsisuni isumaginninnermi aamma immikkut ilinniagaqarfimmi suliniutinut sinaakkutit	Suliffimmi misiliiffiusumi periutsinik atornerqartunik sulinikkut naliliineq. Suliffeqarfimmi, aaqqissuussaannermi aamma aqutsisuni sinaakkutit iluini professionelimik pissusilersorneq.
Perorsaanermi iliuuseqariaatsit aamma perorsaanermi periutsit. Isumaginninnermi aamma immikkut ilinniagaqarfimmi suleriaatsit aamam periutsit	Perorsaanermi suliassanik pilersaaruserneq, naammassinninneq, uppersaaneq aamma naliliineq. Sullinniakkat toqqarneqartut pisariaqartitaanut atatillugu anguniagaqarluni suliniuteqarneq.
Ilisimasat assingusut aamma suliassaqrifiit akornanni suleqatigiinnermut sinaakkutit	Suleqatigiinni attaveqateqarlunilu suleqateqarsinnaaneq, angajoqqaat imaluunniit qanigisaasut suleqatigisartakkallu allat peqatigallugit.
Sulianik ilisimaarinninneq aamma sulisutut kinaassuseq	Nammineq aamma suliffimmi misiliiffiup suleriaasianik ileqqorissaarnikkut apeqqusersuinikkullu tunngavilersuineq isummersornerlu.
Atassuteqarnerni pissaaneqarneq ileqqorissaarnerlu	Meeqqanik, inuusuttunik inersimasunillu atuisunik alaatsinaanneq misissueqqissaarnerlu assersuutigalugu pissaanermik atuinnermut tunngatillugu aaqqissuussinerit, attaveqatigiinnerit, suliassat agguataarnerat inissisimaffillu.
Ineriartornermi allanngoriartornermilu sulianut peqataaneq	Suliffeqarfiup suleriaasiani suliniutinik/allannguutinik attanneqarsinnaasunik nutaanik ineriartortitsinnermut peqataaneq tapersiinerlu.

Kapitel 5: Suliffimmi misiliinerup ingerlanerani portfoliomik suliaqarnermut piunasaqaatit

Portfoliomik suliaqarneq suliffimmi misiliinerit ingerlanerani ilinniarnermi ilikkariartornermilu qitiusuuvoq – nalinginnaasumik suliaqarfimmi aamma immikkut ilinniagaqarluni suliaqarfimmi. Suliaqarnermi portfolio aamma portfolio saqqummiussassaq immikkoortinneqarput. Suliaqarnermi portfolio mappiuvoq, ilinniartup ingerlaavartumik perorsaanerme sulianik aamma eqqarsaatiginneqqissaarnerminillu (refleksion) katersiffigalugulu uppersaaffigisaa. Portfolio saqqummiussassaq allattariarsorluni suliaavoq, ilinniartup suliaqarnermi portfoliominit atortussanik toqqaallunilu suliaqarfia. Portfolio saqqummiussassaq suliffimmi misiliinerup naanerani tunniunneqassaaq.



Titartagaq: Portfolio. Suliaqarnermi portfolio mappitut imaluunniit toqqorsivittut paasineqarsinnaavoq. Portfolio saqqummiussassaq "igalaatut nittarsaassivittut" isigineqarsinnaavoq, ilinniartup suliffimmi misiliinermini suliamini sammisanik imaluunniit ajornartorsiutinik aallaaveqartumik suliaqarnermi portfoliomini imarisaasa ilaanik toqqakkanik saqqummiiffigisaa.

5.1 Suliaqarnermi portfolio

Qulaani titartakkami takutinneqartut suliaqarnermi portfolio assigiinngitsunik arlalinnik ima qarpoq, ataatsimut ilinniartup suliffimmi misiliinerminut aamma nammineq ilikkariartornerminut ataatsimut isiginninneranut tapersiisunik.

Suliaqarnermi portfoliomik siunertaavoq, ilinniartoq:

- Nammineq ilikkariartornermut periusissanik ineriartortitsissasoq
- Nammineq ilikkariartornerminut ataatsimut isiginnissinnaalissasoq

piginnilissasorlu.

- Perorsaanermi sulinermit malinnaassasoq katersissasorlu.
- Perorsaanermi sulineq aamma nammineq sulinikkut ineriartornini eqqarsaatigeqqissaarsinnaassangaa.

Sulinermit portfolio: imarisat aamma periaatsit	
Allattukkat eqqaamassutissat, malinnaanerit aamma pisut pillugit allattukkat	<ul style="list-style-type: none"> • Eqqaamassutissat allattugaapput ilinniartup misissugaanik tiguarteqqaffigisaanik qimerluugaanillu. • Malinnaaneq perorsaanermi sulinermit ingerlaavartumik uppersaanermut taperseeqataasarpoq. • Logbogip imarisinnaavai malinnaanerit, ilikkariartornermut ilinniartitseriaatsimut ilusiliat, eqqumiigisat, pilersarusiorneq pillugu nammineq eqqarsaatsit – perorsaanermi sammisanik naammassinnineq nalilersuinerlu, issuaanerit, isumaqatigiissutit il.il.
Snaplog, immiussat aamma videoliat	<ul style="list-style-type: none"> • Snaplog takussaasunngortitsilluni suleriaasaavoq, tassani perorsaanermi sulinermit katersinermit assit atorpeqartarput. • Nipit aamma video sulinermit pisunik katersinermit aamma uppersaanermut aamma atorpeqarsinnaapput. • Ilinniartup qulakkeertuaannassavaa nipinik, assinik videonillu atuinermit atatillugu suliffeqarfimmi maleruagassat atuuttut malinnissai.
Nammineerluni eqqarsaatiginneqqissaarnerit (refleksion)	<ul style="list-style-type: none"> • Illit ilinniartutut piginnaasat suut suliarinikuugit, illillu perorsaanermi sulisutut piginnaasannik ineriartortitsininnut qanoq tapersiisinnaappat? • Eqqarsaatiginneqqissaarnerit perorsaanermi ajornartorsiutini, suliffimmi misiliinermit ilisimaligassatut suliarisinnaaligassatullu anguniakkanut attuumassuteqartunik aallaaveqarsinnaapput. • Isummernernut aamma tunngavuisinnaapput perorsaasutut sulinermit pissutsit ileqqorissaarnermit tunngasut. Eqqarsaatiginneqqissaarnerit pisumi aaqqiagiingiffiusumi suut pingaartitarineqarnersut misissornerannik imaqsarsinnaapput, ilinniartullu sulinerminut atatillugu ileqqorissaarneranik nukittorsaaqataallutik
Ullormut oqaluuserisassat aamma ataatsimiinnermit imaqarniliat	<ul style="list-style-type: none"> • Aaqqissuussamik naapittarnernit assigisaannillu ullormut oqaluuserisassat aamma ataatsimiinnermit imaqarniliat, ilinniartup suliffimmi misiliinermit ingerlanerani aaqqissuussamik misilittakkanik iummernernillu katersineranut tapersersuisarput
Sanaat kusanartuliat	<ul style="list-style-type: none"> • Meeqqat/atuisut ilinniarnerninni sanaavi kusanartuliat toqorneqarsinnaapput / assilinqarsinnaapput uppersaatsissaliaralugit.
Suliaq pillugu atuakkiat takussutissartaat	<ul style="list-style-type: none"> • Sakkussaq, ilinniartup suliffimmi misiliinermini atuakkat atorpeqartut pillugit ataatsimut isiginninneranut ikiuutaasoq. Aamma nammineq atuakkanik atuarnernit eqqaamassutissanik allattukkanik imaqsarsinnaapput.

Portfolio-opgavet	<ul style="list-style-type: none"> Suliffimmi misiliinerup ingerlanerani ilinniartup portfolio-opgavet arlallit naatsut ingerlaavartumik suliarissavai (suliffimmi misiliineri ataatsimi 4-5-it), suliffimmi misiliineri ilikkagassatut suliarisinnaaligassatullu anguniakkanut qitiusunut atatillugu sammisat assigiinngitsut aallaavigalugit.
-------------------	--

Ilinniartuq suliffimmi misiliisoq suliaqarnermi portfoliomut atortussanik ingerlaavartumik katersisassaaq. Suliaqarnermi portfolio taamaasilluni ilinniartup nammineq "inigivaa"/ akisusaaffigivaa, ilinniartup ilisimasanik, isummernornernik kiisalu sulineri uppersaatinik toqqorsivimminik sananissaminut qulakkeerinnittussaq.

Suliffimmi misiliinerup ingerlanerani ilinniartup suliffimmi misiliisup portfolio-opgavet arlallit akissavai, sulinermilu portfoliomut toqqortassallugit. Portfolio-opgavet aamma suliffimmi misiliinissamut piareersarluni ilinniartitsineri portfoliomik suliaqarnermi ilisaritinneqassapput. Allaaserinninnerit suliffimmi misiliineri qitiusumik ilisimaligassatut suliarisinnaaligassatullu anguniakkanut atatillugu ilikkagassatut sammisani assigiinngitsuni aallaaveqassapput. Allaaserisat aamma suliffimmi misiliineri ilinniartitsisumut nassiunneqartassapput piffissaliussaq tunniunneqartoq naapertorlugu, suliffimmilu misiliineri ulluni aggersaaffiusuni suliatigut ataatsimut eqqarsaatiginneqqissaarnerni (**refleksion**) aallaaviussallutik. Portfolio-opgavenik siunertaavoq suliffimmi misiliinerup ingerlanerani ilikkariartorneq tapersersussallugu kiisalu perorsaanermik suliaqarnermi teoriimut atassusiinermut tapersiinissaq.

5.2 Portfolio saqqummiussassaq

Portfolio saqqummiussassaq allattariarsorluni suliassaavoq, suliffimmi misiliinerup naalernerani tunniunneqartussaq – suliffimmi misiliinerup naammassinissanut sapaatip-akunneri 2-t missaat sioqqullugu. Portfolio saqqummiussassaq suliaqarnermi portfoliop imarisaanik toqqakkanik imaqassaaq.

Portfoliomik saqqummiussassamik siunertaavoq, ilinniartup suliffimmi misiliineri ilisimaligassatut suliarisinnaaligassatullu anguniakkanik toqqakkanik qanoq suliaqartarsimanerminik takutitsinissamut periarfissinneqarnissaa. Ilinniartup sammisaaq ataaseq imaluunniit arlallit imaluunniit ajornartorsiut annek, portfoliomik saqqummiussassamik ataqatigiissitsisut aallaavigissallugit toqqarsinnaavai.

Portfolio saqqummiussassaq pingasunik immikkoortortaarpoq:

- Aallaqqaasiut suliffimmi misiliiffimmik naatsumik nassuiaanermik, suliffimmi misiliinermik eqikkaanermik kiisalu portfoliop saqqummiussassap

ilusilersorneranut tunngavilersuummik imaqartuq

- Ilisimaligassatut suliarisinnaaligassatullu anguniakkat toqqakkat pillugit isummersorneq, ilinniartup suliffimmi misiliinermini sulinermi pisunik suliarisimasaanik aallaaveqartut
- Nammineq ilikkariartornermut isummersuutit

Suliaq pillugu atuakkianik atuineq: Piumasaqaataavoq, ilinniartup suliaq pillugu atuakkanik attuumassuteqattunik ilanngussinissaa. Portfoliomi saqqummiussassami paasisaqarfinnik nalunaarsuutitut aamma najoqqutat allattorsimaffiannut atatillugu allaaserinnilluni suliaqarnermi pisortatigoortumik malittarisassat PI/SPS-imi atorneqarput (APA-standard).

Siunnersuineq: Suliffimmi misiliiffimmut pulaarnermi (takkulluni imaluunniit internetikkut pisinnaasumi) ilinniartuq portfoliomik saqqummiussassamik suliaqarnermut atatillugu suliffimmi misiliinermi ilinniartitsisumit siunnersorneqarsinnaavoq. Ilinniartup kingorna periarfissaraa suliffimmi misiliinermi ilinniartitsisumit pingasoriarluni siunnersorneqarnissani.

Annertussusissamut piumasaqaat:

- 2. semesterimi ilinniartunut (nalinginnaasumik suliffiup iluani suliffimmi misiliineq) annertussusissamut piumasaqaataavoq annertunerpaamik quppernerit nalinginnaasut 8-t – anslagit 19.200 akunnerit (mellemrum) ilanngullugit.
- 5. semesterimi ilinniartunut (immikkut ilinniagaqarluni suliffimmi misiliineq) annertussusissamut piumasaqaataavoq annertunerpaamik quppernerit nalinginnaasut 10-t – anslagit 24.000 akunnerit (mellemrum) ilanngullugit.

5.3 Portfoliomik saqqummiussassamik aamma suliffimmi misiliinermik naliliineq

Portfoliomik saqqummiussassamik (allaaserinnilluni suliaq) aammalu suliffimmi misiliinermi aqqustissiuusup suliffimmi misiliinermi akuersinera, takukkit immikkoortut 9.3 aamma 9.4, ataatsimoortillugit suliffimmi misiliinermi naliliinermit tunngaviupput naliliinermi.

Suliffimmi misiliinermi ilinniartitsisup akisusaaffigaa portfolio saqqummiussassaq nalilersornissaa akuersissutiginnissaalu. Naliliinermi pingaartinneqassaaq, ilinniartup namminersorluni teorini oqaatsinik atorneqartartunik suliffimmi misiliinermi ajornartorsiutit pillugit eqqarsaatiginneqqissaarluni (refleksion) atorsinnaanerai. Ilinniartup ilisimalikkani atorlugit perorsaanermi ajornartorsiutit misissorsinnaassavai. Ilinniartup aamma perorsaanermik sulinermi nammineq iliuuserisinnaasani

eqqarsaatigilluaqqissaarsinnaassavai (refleksion).

2. semesterimi nalinginnaasumik suliaqarfiup iluani suliffimmi misiliineq: Portfolio saqqummiussassaq akuerineqartutut imaluunniit akuerineqanngitsutut nalilerneqassaaq.

5. semesterimi immikkut ilinniagaqarluni suliffimmi misiliinermi: Portfolio saqqummiussassaq akuerineqartutut imaluunniit akuerineqanngitsutut nalilerneqassaaq. GGS-skala naapertorlugu karakteriliisoqassaaq (takuuk bkg. nr.14, 23. juni 2008-meersoq) ilinniartup atuagarsornermi qanoq inissisimaneranik takutitsisutut, karakterili soraarummeernermi uppernarsaammi ersissanngilaq.

Portfolio saqqummiussassaq akuerineqanngippat, suliffimmi misiliisup periarfissaraa siunnersorneqaqqinnissaq siunertaralugu portfolio saqqummiussassap pitsanngorsarnissaa. Ilinniartuq annerpaamik pingasoriarluni misiliisinnaavoq portfolio saqqummiussassaq akueritinniarlugu.

Kapitel 6: Suliffimmi misiliinerup siornatigut kingornatigullu ilinniartitsineq

6.1 Suliffimmi misiliinissamut piareersarneq

Suliffimmi misiliinerup aallartinnginnerani, ilinniartut sapaatip-akunneri marluk suliffimmi misiliinissap ingerlanissaanut piareersaateqassapput. Ilinniartuq suliffimmi misiliisoq imminut ilisaritilluni allaaserissaaq, suliffimmi misliinermi aqqutissiuissumut nassiunneqartussamik. Suliffimmi misiliinerup aallartinnginnerani ilinniartup suliffimmi misiliiffigisassani attavigissavaa, pulaarnissani suliffimmilu misiliiffiup aallartinissaa kiisalu piffissaq suliarorfissani pillugu isumaqatigiissusiussalluni. Pulaarnissaq periarfissaanngippat, oqarasuaatikku imaluunniit videokku sianerluni ingerlanneqarsinnaavoq.

Suliffimmi misliinissamut piareersarnermik siunertaavoq, ilinniartup:

- Suliffimmi misiliineq pillugu quppersakkap, suliffimmi misiliinissamut isumaqatigiissuttip imarisai ilisimaarissagai kiisalu suliffimmi misiliinerup sinaakkutai atugassarititaasullu pillugit ilisimatinneqassasoq.
- Suliffimmi misiliinermi ilikkagassatut suliarisinnaaligassatullu anguniakkat ilisimaarilissagai.
- Suliffimmi misiliinerup ingerlanerani portfoliomik suliaqarneq pillugu paasinnissasoq.
- Nammineq ilinniartutut suliffimmilu misiliisutut suliffeqartutullu inissisimaneq

pillugu aamma sulinerup nalaani suliassanik; matuma ataani tunniussinissamut piffissaliussanik, aaqqissuussamik naapinnernik (konferencetimer), piffissanik ilinniarnermut atorpeqartunik il.il. pingaarnerusutigut paasinnessaqq

- Suliffimmi misiliinerup ingerlanerani ilinniarnermi periaatsinik kiisalu ilikkariartornernik nammineq aqutsinermik ilisimaarinnissasoq.

6.2 Suliffimmi misiliinermik eqikkaaneq

Suliffimmi misiliinerup kingorna ilinniartoq suliffimmi misiliinermik eqikkaanermut, ataani allassimasunik siunertaqartumut peqataassaaq:

- Suliffimmi misiliinermi ilikkagassatut sularisinnaaligassatullu anguniakkanik aallaaveqartumik perorsaanermi sulinermi misilittakkanik saqqummiineq.
- Suliffimmi misiliinermi nammineq ilikkariartornermut eqqarsaatiginneqqiissarneq (refleksion), matuma ataani portfolionik suliaqarnermi, kiisalu misilittakkanik ilinniaqatinut ilisimasanik avitseqateqarneq.

Kapitel 7: Suliffimmi misiliinermi inuit qitiusut pingasut, taakkulu suliassaat

Ilinniartup suliffimmi misiliisup, suliffimmi misiliinermi aqutissiuusup aamma suliffimmi misiliinermi ilinniartitsisup suleqatigiinnerat suliffimmi misiliinernut qitiuvoq. Suliffimmi misiliiffiusup, suliffimmi misiliinermi anguniakkat siunertallu qanoq naammassineqassanersut pillugit sinaakkutit inississavai. PI/SPS-ip suliffimmi misiliinermi anguniakkat siunertallu suut naammassineqassanersut pillugit sinaakkutit inississavai. Akisussaaffiit assigiinngitsut ataani saqqummiunneqarput.

7.1 Ilinniartoq suliffimmi misiliisoq

Ilinniartoq suliffimmi misiliisoq suliffimmi misiliinerup ingerlanerani perorsaanermi suleqatigiillu suleqatigiinneranni ilaassaaq. Tamatumunnga peqatigitillugu suliffimmi misiliisup nammineq suliassat suliffimmi misiliinermut atasut ilikkariartorfigissavai aaqqissuutissallugillu. Tamanna aamma atuuppoq portfolio-mik suliassanut aamma ilanngussanut suliffimmi misiliinerup ingerlanerani immersorneqartussanut PI/SPS-imullu nassiunneqartussanut tunngatillugu.

Ilinniartup suliffimmi misiliisup ulluinnarni perorsaanermik sulinermi aallarniisarlunilu aaqqissuussaasumik naapinnissanut aaqqissuussisassaaq. Tassa imaappoq ullormut oqaluuserisassanik siunnersuuteqartassaaq, alaatsinaassimasat pillugit allattorsimasani saqqummiuttassallugit, suliamut tunngasunik atuarsimasaminik ingerlatitseqqisassalluni, perorsaanilerilluni oqallisiginninnernut namminersuutingalugu aallarniisassalluni

uiggiullugit suliffimmi misiliinermi suliarisinnaanngugassatut ilikkagassatullu anguniakkanik ilisimasaqalernissat.

7.2 Suliffimmi misiliinermi aqutissiuisoq

Suliffimmi misiliiffiusumi suliffimmi misiliinermi aqutissiuisoq ilinniartup suliffimmi misiliisup ilikkariartorneranut, misilittagaanut eqqarsaatiginneqqissaarsinnaanerannullu (refleksion) atatillugu siunersuineranut qitiuvoq. Ilinniarfimmi ilisimasat sulinerne atorineqassapput, sulinerne misilittakkat PI/SPS-imi ilinniartitsinerne ilaassallutik.

Suliffimmi misiliiffiusumi aqutissiuisup pissutsit immikkut ittut tunngavigalugit (ass. napparsimaneq, sulinnitsoortarneq il.il.) suliffimmi misiliisoq ernumagiguniuk, imaluunniit suliffimmi misiliisup suliffimmi misiliinini naammassisinnaaneraa imaluunniit suliffimmi misiliinerup akuerineqarsinnaanera qulariguniuk, suliffimmi misiliinermi aqutissiuisup erngertumik suliffimmi misiliinermi ilinniartitsisoq attavigissavaa.

7.2.1 Suliffimmi misiliinermi aqutissiuisup suliffimmi misiliinermi isumagissavai

- Suliffimmi misiliinerup nalaani sapaatit akunneranut 1 tiimi aqqissuussaasumik naapittarnissamik (konferencetime) neqeroorfigissallugu, piffissani taakkunani suliffimmi misiliinermi aqutissiuisoq suliffimmilu misiliisoq allamik suliaqassanngillat – assersuutigalugu meeqqanut imaluunniit atuisunut akisussaaffeqassanatik.
- Ilinniartoq suleqatigalugu piginnaasatigut aamma ilinniarnikkut sungiusarnermini tunaartaqalernissaanut piunarsaatigut pilersitsineq.
- Ilinniartoq siunnersorlugit aamma periarfissillugu namminersorluni perorsaanermik suliaqarnissaanut aammalu suleqatigiinnut attuumassuteqartumik.
- Ilinniartoq ataatsimiinnernut attuumassuteqartunut peqataanissamut qaaqqusarlugu.
- Ilinniartoq peqatigalugu ajornartorsiutaasinnaasut oqaluuserisarlugit, ilinniartup sulineq pillugu ukkassinissaanut aammalu perorsaanikkut piginnaasatigut ineriartornissaanut.
- Ilinniartoq allattariarsorluni suliaqassatut sammisassaminik qinersinissaanut aqutissiuisullugu.
- Ilinniartup takkuttarnini pillugu nalunaarsuineranik uppersaasarnissaq. Takkuttarnermut aamma najuuttarnermut tunngatillugu isumaaluuteqarnerne ilinniartumut aqutissiuisup piaarnerpaamik PI/SPS attavigissavaa.
- Piffissap affaata nalaani suliffimmi misiliiffimmut pulaarnissaq sioqqullugu naliliinerup suliarineqarnissaanut akisussaasuuneq.
- Suliffimmi misiliinerup naalerani naliliineq, suliffimmi misiliineq akuerineqarnerne imlt. akuerineqannginnerne aammalu naliliinerup PI/SPS-

imut nassiunnissaa.

- Suliffimmi misiliinermi ilinniartitsisoq attavigalugu, nalornissutigineqarpat suliffimmi misiliineq akuerineqarsinnaanersoq kiisalu suliffimmi misiliinerup sinaakkutai aamma atugassarititai pillugit nalornilluni apeqqutissaqartoqaraangat.
- Suliffimmi misiliinermi aqcutissiuusup ilinniartup ilinniarnera tapersersussavaa aammalu isumagalugu pineqartup ataatsimiinnerni attuumassuteqartuni peqataasinnaanera misiliinerup ingerlanera tamaat, assersuutigalugu inini imaluunniit immikkoortortani, sulisunut tamanut, angajoqqaat peqatigalugit, perorsaanilerinermut tunngatillugu il. il. ataatsimiinnerni.

7.2.2 Suliffimmi misiliinermi aqcutissiuusup ilanngussanut akisussaaffia

- Akunnerit oqaloqatigiinnermut (konferencetimmermut) atorineqartut sammineqartut ilanngullugit nalunaarutigalugit, suliffimmi misiliinerup naanerani.
- Suliffimmi misiliinerup affaata nalaani naliliinerup immersugassartaa immersorlugu, suliffimmi misiliinermik akuersineq atuukkallartoq ilanngullugu
- Piffissap naalernerani naliliineq immersorlugu

7.2.3 Suliffimmi misiliinermi aqcutissiuusup peqannginnerani imaluunniit napparsimanerani

Suliffimmi misiliinermi aqcutissiuusup aqcutissiuusutut atuussinnaangiffiini (assersuutigalugu sap. ak. ataaseq sinnerlugu sulinnginneq), paaqqinnittarfiup aqutsisuata utaqqiisaagallartumik imaluunniit atuutilertumik misiliinermut aqcutissiuusussamik pissarsiuusaaq aammalu tamanna PI/SPS-imi misiliinermut ilinniartitsisumut imaluunniit misiliinernik ataqtigiissaarisumut nalunaarutigissallugu. Sulinnginneq assersuutigalugu napparsimanermik, feeriarnermik, pikkorissarnermik il. il. pissuteqarsinnaavoq. Suliffimmi misiliiffiusup tamanna suliassaq nammineerluni naammassisinnaangippagu, taava PI/SPS-imi misiliinermut ilinniartitsisoq imaluunniit misiliinernik ataqtigiissaarisoq piarnerpaamik attavigineqassaaq aaqqiissuteqarnissaaq siunertaralugu.

7.3 Suliffimmi misiliinermi ilinniartitsisoq

Misiliinermut ilinniartitsisup suliffimmi misiliinissaaq sioqqullugu ilinniartunut piareersaataasumik ingerlaarneq aaqqissuutissavaa. Ilinniartitsineq imatut aaqqissuunneqassaaq, ilinniartup suliffimmi misiliineq pillugu quppersagaq ilisimalissavaa, aammalu ilinniartuq suliassanik ingerlatsinissamut piareersarneqassalluni. Suliassat suiffimmi misiliinermut tunngatillugu piginnaasatigut aamma ilinniagassatigut anguniakkanik aallaaveqarput. Taamatuttaaq ilinniartut nammineq atuuffitik pillugit takunnissinnaanissaat suliassaavoq, suliffeqarfimmi misiliiffissami peqataanissamut piareersarneranni.

7.3.1 Suliffimmi misiliinermi ilinniartitsisup suliffimmi misiliinerup nalaani

isumagissavai

- Misiliinermut aqutissiuusumut qaammatip ataatsip missaata ingerlareernerani sianerpeq, misiliinerup aallartinneranut atatillugu killiffissiornissaq siunertaralugu. Tamatumunnga atatillugu piffissamut aamma atugassarititaasunut tunngatillugu paatsooqatigiissinnaanerit imaluunniit paasiuminaattuusimasinnaasut paaseqatigiissutigineqassapput.
- Apeqqutinut suliffimmi misiliinermut tunngassuteqartunut tunngatillugu ilinniartumit aamma misiliinermut aqutissiuusumik attavigineqarsinnaaneq.
- PI/SPS-imi ullunik suliffimmi misiliinermut tunngatillugu qaaqquusiffiusunut sinaakkutinik pilersitsineq (najuunnikkut imaluunniit Teams aqutigalugu), tassani ilinniartut nammineq ilinniarnertik pillugu aammalu portfoliolorluni suliassat eqqarsaatigineqqissaarutigissallugit (refleksion).
- Suliassat portfoliot pillugit utertitsiffiginninneq (feedback), suliffimmi misiliinermut tunngatillugu qaaqquusiffimmi tamanna pisinnaavoq.
- Suliffimmi misiliinerup pingajorarterutaata aappaa nallertinnagu aammalu piffissap affaata nalaani naliliinerit ilinniartuninngaanniit tiguenerisa kingorna suliffimmut misiliiffiusumut pulaarnermut peqataaneq.
- Portfoliomut saqqummiussassamut atatillugu allattariarsornermik suliassaq pillugu ilinniartoq siunnersorlugu aamma suliffimmi misiliineq nalinginnaasoq (suliffimmik misiliineq siulleg) pillugu akuersinermik/akuersinnginnermik naliliilluni aammalu misiliineq immikkut ittoq (suliffimmi misiliinerup aappaat) pillugu GGS-skala malillugu karakteriliilluni.

7.3.2 Suliffimmi misiliinerup kingorna suliffimmi misiliinermi ilinniartitsisup isumagissasai

Ilinniartut suliffimmi misiliinertik pillugu suliaqarnissaannik aaqquissuineq. Suliffimmi misiliineq pillugu suliaqarnissap siunertaraa, ilinniartut:

- Suliffeqarfimmi misiliiffigisaminni perorsaanikkut misilittakkaminnik oqaasinnguinnissaat aammalu suliaqarfimmit ilinniarsimasutut kinaassutsiminnik ineriartortitsinissaat.
- Suliaminnik ingerlatsisimanerminnut tunngatillugu misilittakkaminnik oqaluuserinninneq aamma katersuineq.
- Teorit sulinermut attuumassuteqarnerinik eqqarsaatigineqqissaarneq (refleksion) kiisalu piginnaasanut aamma ilinniagassanut tunngatillugu anguniagaqarneq.

Kapitel 8: Aaqquissuusaamik naapittarnerit (Konferencetiimit)

Misiliinermut aqutissiuusup ilinniartoq suleqatigalugu oqaloqatigiinnerit pilersaarusiussavai aammalu ingerlatissallugit. Misiliinermut aqutissiuusup ilinniartullu ataatsimoorlutik oqaloqatigiinnerit ingerlattassavaat, tassani ukkatarineqassapput ilinniartup suliaqarfimmi ilinniarnera aammalu ineriartornera, qitiutinneqassallutik atuagarsornikkut eqqarsaatigineqqissaarnerit (refleksion)- tassunga ilanngullugu

portfolio suliaa, atuakkanik attuumassuteqartunik aallaaveqartoq. Oqaloqatigiinnerit aamma ingerlanneqartassapput ilinniartup suliaqarneranik pilersarusiornermut aammalu nalilersuisarnermut, suliffimmi misiliinermi piginnaasatigut aamma ilinniakkatigut anguniakkat aallaavigalugit. Pilersaarutit allatorneqarsinnaapput aammalu suleqatinut tunniunneqarsinnaallutik, ilinniartup sulisutut misiliinera pillugu ilisimasaqarnerulernissaat pillugu, aamma taamaalillutik ilinniartumut suliaanut ikorfartuisinnaanerussammata.

Ilinniartup oqaloqatigiinnissanut oqaluuserisassanik suliaqarnissaq akisussaaffigivaa. Tamatuma saniatigut ilinniartuq sap. ak. tamaasa oqaloqatigiinnerit naatsunik imaqarniliornissaat isumagisassavaa. Imaqarniliat portfolioliornermut iluaqutissaapput pingaaruteqartut.

Misiinermut aqutissiuisoq ilinniartumut ataatsimut sap. ak. ataasimut annerpaamik akunneq ataaseq akissarsiaqassaaq.

Kapitel 9: Nalilersuisarnerit

Suliffimmi misiliinerup ingerlanerani marloriarluni nalilersuisoqassaaq: piffissap affaata nalaani naliliineq aammalu piffissap naalernerani naliliineq. Ilinniartumut aamma misiliinermut aqutissiuisumut immersugassaqarpoq, suliffimmi misiliinerup ingerlanerani atornerqartussanik. Maluginiagassaavoq, suliassanut aamma taakkua nassiunnissaannut tunngatillugu piffissatigut pilersaarummik innersuussuteqarnera. Suliffimmi misiliinermi aqutissiuisup atugassanik fil-inik tunniussinissani ilinniartup akisussaaffigivaa.

Nalilersuinerit taakkua marluusut siunertarivaat, ilinniartup ulluinnarni perorsaannerit aamma ilisimasatigut aammalu pisinnaasatigut siunertanut tunngatillugu iliniarneranik naliliineq.

9.1 Piffissap affaata nalaani naliliineq

Suliffimmut misiliiffiusumut pulaarnissaq sioqqullugu ilinniartuq aamma misiliinermut aqutissiuisoq iluminni piffissap affaata nalaani skema aallaavigalugu nalilersuissapput, illuatungeriinnit tamanit immersorneqartussaq. Piffissap affaata nalaani nalilersuinerit ilanngussat misiliinermut ilinniartitsisumut nassiunneqassapput, suliffeqarfimmut misiliiffiusumut pulaarnissaq sioqqullugu.

Anguniarneqartariaqarpoq suliffimmi misiliinerup pingajuararterutaata aappaata (2/3) naannginnerani pulaarnerup pinissaa. Misiliinermut aqutissiuisup piffissap affaata

nalaani naliliineq pillugu skemami nalunaarutigissavaa suliffimmi misiliinerup atuukkallartumik akuerisaanera imaluunniit akuerisaannginnera. Misiliinermut aqutissiuusup akuersinini imaluunniit akuersinissaq pillugu nalorninini ilinniartumut aamma misiliinermut ilinniartitsisumut nalunaarutigissavaa. Suliffimmut pulaarnerup kingorna suliffimmik misiliinerup akuerinissaa pillugu nalornisoqarpat, taava misiliinermut aqutissiuusup piarnerpaamik misiliinermut ilinniartitsisoq imaluunniit misiliinernik ataqatigiissarisooq attavigissavai.

9.2 Suliffimmut misiliiffiusumut pulaarneq

PI/SPS-ip suliffimmi misiliinerup ingerlanerani ilinniartumut, misiliinermut aqutissiuusumut aammalu suliffeqarfimmut attaveqarneq pingaartippaa. Piffissap affaata nalaani nalilersuinerup atatillugu misiliinerup ilinniartitsisoq ornigunnikkut pulaarsinnaavoq, imaluunniit attaveqaatitigut ataatsimiittoqarsinnaavoq suliffeqarfimmi takornariarnekq periarfissaasinnaalluni. Naatsorsuutigineqarpoq ataatsimiinneq akunnernik 1½ - 2-nik sivisussuseqassasoq. Pulaarnissamut piffissaliussaq misiliinerup aqutissiuusup aamma misiliinerup ilinniartitsisup isumaqatigiissutigissavaat. Pulaarnissap siunertarivaa piffissap affaata nalaani nalilersuinerup ilisimatitsissutigineqarnissaa, aammalu oqaloqatigiissutigineqassalluni suliffimmi misiliinerup tunngatillugu ilisimasatigut aamma pisinnaasatigut siunertat pillugit ilinniartup qanoq suliaqarsimanera, kiisalu oqaloqatigiissutigineqassalluni suliffimmi misiliinerup sinnerani ilinniartup siunertat angunissaat pillugit qanoq sulissanersoq. Nalornissutigineqarpat ilinniartup suliffimmi misiliinera akuerineqarsinnaanersoq, taava misiliinerup ilinniartitsisup, misiliinerup aqutissiuusooq kiisalu ilinniartoq suleqatigalugit, ajornartorsiutaasinnaasut qulaajassavai aammalu suliffimmi misiliinerup ingerlaqqinnissaanut iliuusissatut pilersaarummik suliaqassalluni.

Misiliinerup ilinniartitsisup ataatsimiinnissamut piareersarnerminut atatillugu makkua tigussavai aamma atussavai:

- Misiliinerup aqutissiuusup piffissap affaata nalaani nalilersuinerup suliffimmi misiliinermik naliliigallarnermik imalik
- Ilinniartup piffissap affaata nalaani nalilersuinerup
- Suliffimmi misiliiffiusumut pulaarnissamut oqaluuserisassat
- Ilinniartup portfolioliorluni saqqummiussassamini suliamut atatillugu sammisassanut tunngatillugu isumassarsiarigallagai

Ilinniartoq naatsorsuutigineqarpoq ataatsimiinnermi aqutsisuussasoq. Suliffimmi misiliiffiusumut pulaarnissamut oqaluuserisassat assersuutigalugu imatut isikkoqarsinnaapput:

- Paaqqinnittarfimmi takornariartitsineq
- Piffissap affaata nalaani naliliineq ilinniartumit saqqummiunneqassaaq

- Piffissap affaata nalaani naliliineq misiliinermut aqutissiuisumit saqqummiunneqassaaq
- Ilinniartup suliffimmi misiliinera pillugu utaqqiisaasumik akuersineq / akuersinnginneq
- Ilinniartup ilisimasatigut aamma pisinnaasatigut siunertat pillugit suliaqarneranut tunngatillugu inissisimaneq
- Sammisassamik qinersineq aammalu portfolioliorluni saqqummiussassamut tunngatillugu ajornartorsiutaasinnaasumik qinersineq - kiisalu siunnersuineq
- Ilinniartuq aamma misiliinermut aqutissiuisoq soorunami oqaluuserisassanut ilanngussaqaarsinnaapput

9.3 Piffissap naalernerani naliliineq

Kingusinnerpaamik suliffimmi misiliinerup naanissaanut sap. ak. ataatsimik sioqqullgu ilinniartuq aamma misiliinermut aqutissiuisoq tamarmik immikkut piffissap naalernerani naliliineq suliarissavaat. Piffissap naalernerani naliliineq misiliinermut ilinniartitsisumut nassiunneqassaaq. Ilinniartup ilinniarnermi ingerlatiinnarnissaanut suliffimmi misiliinini pillugu ataatsimoorussamik akuerisaanissaa piumasaqaataavoq (takuuk 5.3).

9.4 Suliffimmi misiliinerup ingerlaneranik naliliineq

Misiliinermut aqutissiuisoq aamma misiliinermut ilinniartitsisoq marluullutik suliffimmi misiliinerup akuerinissaa akisussaaffigivaat. Misiliinermut aqutissiuisoq (suliffeqarfiup misiliiffiusup aqutisua suleqatigisinnaavaa) ilinniartup suliffeqarfimmi misiliiffigisamini perorsaanikkut suliai pillugit naliliinissamut aamma akuersinissamut akisussaasuvoq, takuuk piffissap naalernerani naliliineq. Misiliinermut ilinniartitsisup ilinniartup portfoliomik saqqummiussaaniq naliliinissaq aamma akuersinissaq akisussaaffigivaa.

9.5 Suliffimmi misiliineq akuerineqarsinnaangippat

Suliffeqarfiup misiliiffiusup nalilerpagu, suliffimmi misiliineq akuerineqarsinnaangitsoq, tamanna piffissap naalernerani naliliinermi allanneqassaaq. Misiliinermut ilinniartitsisoq tamatumunnga isumaqataangikkuni, PI/SPS-ip pisortaa tamanna pillugu aalajangiissaaq. Misiliinernut ataqatigiissaarisoq attuumassuteqartuniinngaanniit oqaaseqaatinik piniassaaq; misiliinermut aqutissisumit, ilinniartumit aammalu misiliinermut ilinniartitsisumit, suliffimmi misiliineq tamaat isigalugu akuersinissaq pillugu inaarutaasumik aalajangiinissamut tunngaviusussanik. Ilinniartuq suliffimmik misiliinermi siullermi angusinngippat taava ilinniarneq unitsinneqassaaq, aammalu ilinniartuq ilinniarnermut nutaamik qinnuteqaqqissinnaavoq, qinnuteqarnissamut piffissarititaasoq tulliuuttoq nallertinnagu. Suliffimmi misiliinerup aappaannut atatillugu periarfissaavoq suliffimmi misiliineq

nutaamik aaqqissuutissallugu, tamatumani periarfissaassalluni "akuerisaannginnermut" tunngavilersuutaasimasut aaqqiissuteqarfiginissaat. Ilinniartoq suliffimmi misiliinermut nutaamut tunngatillugu angusinngippat, taava ingerlaannartumik ilinniartup ilinniarnera unitsinneqassaaq.

Kapitel 10: Suliffimmi misiliisumut atugassarititaasut

Ilinniartoq ilinniarnerni atillugu ilinniarnermusiaqarsinnaatitaavoq, aammalu suliffimmi misiliinini akissarsissutigisussaanagu. Taamaattumillu aamma suliffeqarfiup misiliiffiusup sulisoqarneranut ilanngunneqartussaanani, aammalu kisimiilluni meeqqat/atuisut pillugit akisussaaffeqarsinnaanani. Ilinniartoq suliffimmi misiliinerni atillugu vikariusinnaanngilaq imaluunniit akissarsiaqaatigalugu sulisunut taartaasinnaanani. Tamatigit akissarsiaqaatigalugu sulisoqartassaaq akisussaasuusumik. Suliffeqarfiup misiliiffiusup piumasaqaatit nalinginnaasut tamakkua eqquutsissinnaanngippagit, taava piaarnerpaamik misiliinermut ilinniartitsisoq attavigineqassaaq aammalu suliffimmik misiliinermut kinguneqaataasinnaasut oqaluuserineqassallutik.

Ilinniartup meeqqanik pinerliisimannnginnermut uppernarsaatini (takuuk meeqqanik pinerliisimannnginnermut uppernarsaatini piumasaqaateqartussaatitaaneq pillugu Inatsisartut inatsisaat nr. 8, 19. maj 2010-meersoq) suliffeqarfimmut misiliiffissaminut misiliinissaq sioqqullugu nassiutissavaa. Tamatuma saniatigit ilinniartoq nipangiussisimasussaatitaavoq (takuuk pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersoq). Nipangiussisimasussaatitaaneq suliffimmi misiliinerup nalaani aamma taamaatereernerani atuuppoq. Suliffeqarfiup misiliiffiusup ilinniartoq piumasaqarfigisinnaavaa, nipangiussisimasussaatitaaneq pillugu uppernarsaalluni atsiornissaanik. Nipangiussisimasussaatitaanermik unioqqutitsineq atorfilinnut aamma ilinniartunut assigiimmik kinguneqartarpoq. Ilinniartoq aamma nalunaarutiginninnissamut pisussaaffimmut annertusisamut ilaatinneqarpoq (takuuk meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq).

10.1 Suliffimmi misiliisup piffissat suliffigisartagaasa aalajangersarneqarnerat

Ilinniartoq agguaqatigiisillugu sap. ak. tamaasa makkuninnga pisussaaffeqarpoq aamma pisinnaatitaavoq:

- Akunnerni 28-ni perorsaanermik suliaqarneq, tassani sulisut allat naligalugit peqataalluuni (atuarfinni aammalu nunani allani misiliinermi sapaatip akunneranut akunnerni 25-ni perorsaanermik suliaqarneq akuerisaasarpoq)

- Sapaatit akunneri tamaasa misiliinermut aqutissiuusumik oqaloqateqarneq akunnermi ataatsimi.
- Akunnerni 10-ni ilinniakkerineq, ilinniartup nammineerluni piareersarnermut, allattariarsornikkut suliasaminut aammalu atuakkanik ilinniartitsissutinik atuarnerni tunngatillugu aaqqissuussasai

Suliffimmi misiliinermut tunngatillugu qaaqqusineq

Suliffimmi misiliinermut tunngatillugu qaaqqusinerit tassaapput ullut ilinniartut misiliinermut ilinniartitsisut peqatigalugit, nammineq ilinniarnertik pillugu aamma portfolionik suliaqarnertik pillugu eqqartueqatigiiffigisinnaasaat. Pingaartinneqarpoq, suliffimmi misiliineq pillugu sammisaqarneq siulleq pissasoq suliffimmi misiliinerup aallartinneraniit sap. ak. 4-t ingerlareerneranni. Suliffeqarfiup misiliiffiusup isumagissavaa, ilinniartup suliffimmi misiliineq pillugu sammisaqarnermi nalaani sulinnginnissaa.

Katillugit: Nalinginnaasumik suliffimmi misiliinermut atatillugu akunnerni 14-ini suliffimmi misiliinermut tunngatillugu qaaqqusineq.

Katillugit: Immikkut ittumik suliffimmi misiliinermut atatillugu akunnerni 18-ini suliffimmi misiliinermut tunngatillugu qaaqqusineq.

Misiliinermut aqutissiuusup ilinniartuq suleqatigalugu ilinniartup misiliilluni sulinissaanut qaammammut pilersaarummik suliaqassapput, tassani eqqumaffigineqassallutik suliffimmi misiliinermut atatillugu ilisimasassat aamma pisinnaasassat qitiusut. Misiliinermut aqutissiuusup ilinniartup piffissat takkuttarfissai aaqqissuutissavai, tassani periarfissaatissallugu misiliinermut aqutissiuusup aamma ilinniartup inimi/immikkoortortami akunnerni aalajangersimasuni naapittarnissaat, taamaalilluni ilinniartup siunertani pillugit, perorsaaneermut tunngasunik aammalu ilinniagassanik suliarinnissinnaanera aqutissiuutissallugu. Ilinniartuq sulinerup tunngatillugu eqaassutsimik takutitsisinnaasariaqarpoq, suliffeqarfiup misiliiffiusup kissaataanut tunngatillugu. Aamma oqaloqatigiinnissanut pilersaarummik suliaqartoqassaaq, soorluttaaq taakkunani oqaluuserisassat eqqartorneqartassasut. Tamanna pisassaaq suliffimmi misiliinermut atatillugu ilisimasatigut aamma pisinnaasatigut siunertat aallaavigalugit.

Misiliinermut aqutissiuusup ilinniartup ilinniarnera ikorfartussavaa, ilinniartup suliffimmi misiliinera tamaat assersuutigalugu inini imaluunniit immikkoortortani ataatsimiinnerni, sulisut ataastimiinnerini, angajoqqaanik ataatsimiitsitsinerni, perorsaaneq pillugu ulloqarnermut atatillugu ataatsimiinnerni il. il. attuumassuteqartuni peqataasinnaaneranik isumannaarinikkut. Ilinniartup ataatsimiinnerni peqataaneri ilinniartup sulinerata katinnerinut ilanngunneqassapput.

Suliffimmi misiliinerup nalaani sulinngiffeqartoqassanngilaq. Taamaattoq ilinniartuq

isumaqatigiissuteqareernikkut periarfissaqarpoq akunnernik katersinissamut, allattariarsornermik suliaqarnerminut atugassaminik. Annerpaamik ullunut pingasunut katersisoqarsinnaavoq.

10.2 Piffissami suliffimmik misiliiffiusumi peqanngittarneq

Ilinniartuq suliffimmi misiliinerup nalaani sulinngitsoorpat, aammalu sulinngitsoorneq immikkut illuinnartumik tunngaveqarpat (assersuutigalugu nammineq imaluunniit qitornaata sivisuumik napparsimaneq), malittarisassat saneqqunneqarsinnaapput nakorsamit aamma ilinniartuqarfimmit naliliinerit tunngavigalugit (takuuk ilinniartut quppersagaanni qupp. 40). 15 % ataallugu sulinngitsoornerit pillugit immikkut akuersissuteqartoqarsinnaanngilaq. Sulinngitsoornerup suliffimmi misiliineri akunnerit 15 %-it sinnerpagit, taava PI/SPS ilinniartup sulineranut atatillugu aammalu misiliinerup siunertai eqqarsaatigalugit naliliissaaq. Misiliinernut ataqatigiissaarisup, misiliinerit aqutissiuusup aamma misiliinerit ilinniartitsisup akornanni isumaqatigiissuteqartoqarneratigut sulinngitsoornerit immikkut akuersissuteqarfigineqarsinnaapput.

10.3 Suliffimmi misiliineq unitsinneqarpat

Suliffimmi misiliineq suliffeqarfimmit misiliiffiusumit imaluunniit PI/SPS-imiit unitsinneqarpat, aammalu ilinniartup suliffimmi misiliinerup minnerpaamik affaa naammassereersimappagu, suliffimmi misiliinerup naammassinissaa sioqqullugu naliliisoqarsinnaavoq. Paaqqinnittarfiup misiliiffiusup misiliinissamut isumaqatigiissut atorunnaarsissagaluarpagu aammalu piffissap affaa ingerlareersimanngippat, taava PI/SPS suliffeqarfimmik misiliiffissamik nutaamik nassaarnissamut pisussaaffeqarpoq, ilinniartup misiliinerminik ingerlatitseqqiffigisinnaasaanik. Imaassimappat, suliffeqarfiup ilinniartumut tunngatillugu ilinniarnissamut piunasaqaatit naammassisimanngikkai, taava taamatuttaaq PI/SPS suliffeqarfimmik misiliiffissamik nutaamik nassaarnissamut pisussaaffeqarpoq.

Ilinniartup nammineerluni assigiinngitsunik pissuteqarluni misiliinini unitsippagu, taava PI/SPS suliffimmik misiliiffissamik nutaamik nassaarnissamut pisussaaffeqanngilaq. Tamanna ilinniartup nammineerluni isumagissavaa.

Nalornisoortoqartillugu imaluunniit ilinniartup aamma suliffeqarfiup misiliiffiusup akornani suleqatigiinnermut tunngatillugu ajornartorsiortoqalerpat taava misiliinerit ilinniartitsisoq attavigineqassaaq.

10.4 Ilulissat avataani suliffimmi misiliineq

Suliffimmi misiliineq Ilulissat avataani ingerlanneqarpat, tamanna ilinniartumut annertunerusumik akisussaaffeqarnermik nassataqassaaq, oqaatsit aammalu ileqqut

unamminartuusinnaasunut eqqarsaatigalugit. Ilinniartup aamma assersuutigalugu inissarsiornissani aammalu ilinniartutut inigisami pequtsersornissaa nammineerluni akisussaaffigivai.

Ilinniartuq qitornaqaruni, taava nammineerluni akisussaaffigivaa qitornami atuarfinnut aamma/imaluunniit paaqqinnittarfinnut allatsinnissai suliffimmi misiliinissaminut atatillugu. Suliffimmi misiliinerup aallartinnerani ilinniartup qitornai atuarfinni aamma/imaluunniit paaqqinnittarfinni inissarsereersimassapput.

Nunami allami suliffimmi misiliinissamut atatillugu ilinniartup nammineerluni nunami allami sillimmasersimanissamut aamma nakorsaqaarnissamut tunngasut apeqqutit qulaajarnissaat isumagissavaa, aammalu piffissaq sioqqulluarlugu tamakkununga tunngatillugu qinnuteqarsimassalluni.

Ilinniartuq inissarsiussaguni suliffimmi misiliinissamut isumaqatigiissut uppersaataagissavaa, tamanna ilinniarnermut atatillugu suliffimmi misiliinerup uppersaataassamat. Ilinniartup inissamik tunineqarnerminut atatillugu inissap pequtsersugaanera pillugu paasissutissanik piniassaaq, pequtsersugaanikkut aaqqiisoqartariaqarsinnaanera pillugu kiisalu initaarsimanermut atatillugu allaffeqarfinnut uppersaanissamut atatillugu. Suliffimmi misiliinerup nalaani inigisanut akiliutit marloriaatiunnginnissaat pillugu, ilinniagaqarnersiutit pillugit Namminersorlutik Oqartussat nalunaarutaat nr. 9, 19. juli 2017-imeersoq malillugu Kalaallit Nunaanni aammalu Kalaallit Nunaata avataani aningaasartuutit pisariaqartinneqartut pillugit taperneqarnissamut periarfissaqarpoq. Tapiissutit aningaasartuutit annertussaat naapertorlugit nikerartarput.

Ineqarnermut aningaasartuutinut tapiissutit:

-kr. 4000 tungaanut aningaasartuuteqartoqartassappat 100 %-imik matussusiisoqassaaq

-kr. 4000 aamma kr. 10.000 akornanni aningaasartuuteqartoqartassappat 75 %-imik matussusiisoqassaaq

Ilinniartuq ilinniartoqarfiup avataani illoqarfimmi allami suliffimmi misiliiniarpat, taava PI/SPS-ip ilinniartup illoqarfimmiit ilinniartoqarfimmiit suliffeqarfinnut misiliiffiusussamut angalanera matussusissavaa. Angalanissamut billetinik inniminniineq ilinniartup PI/SPS-imi allaffik suleqatigalugu isumagissavaa. Angalanissamut billetinik inniminniineq pitinnagu suliffimmi misiliinissamut isumaqatigiissut, inissaq aammalu meeraqaraaanni paaqqinnittarfinni inissat isumagineqareersimassapput. Suliffeqarfiup misiliiffiusup aamma unnuiffissap akornani angallannermut aningaasartuutit matussuserneqassanngillat. (Takuuk Ilinniagaqarnersiutit pillugit Namminersorlutik Oqartussat nalunaarutaanni nr. 9, 19. juli 2017-imeersumi § 40).